


擬演
連珠
編編



編 珠 連 擬

著 基 劉

王雲五主編

叢書集成初編

擬連珠編及其他一種

中華民國二十六年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

擬連珠編

括蒼劉基著

蓋聞空谷來風谷不與風期而風自至深山固木山
不與木約而木自生是故福不可徼德盛則集功不
可幸人歸則成

蓋聞志大業者必擇所任抱大器者必擇所投是以
梁江湖不取螬殘之木釣鯨鯢不適兩盈之溝

蓋聞急雨之漲可以決山及其息也得坻則止怒馬
之奔可以超壑及其憊也歷坎而瘖是以長平之威
報在鉅鹿會稽之勝終於姑蘇

蓋聞身無恒守勢窮則屈心無定主情急則親是以失時之言每多謙已墮井之呼不暇擇人

蓋聞石不亂玉惟瑱玦爲能亂玉梟不混鳳惟鸛鵒爲能混鳳故妖聲冶色君子遠之必嚴僞行辯言聖人懲之必痛

蓋聞鑒能照物翳之以塵則不可照水能瀚物淆之以泥則不可瀚故身明明斯可以使人明明政緩緩不可以責人緩緩

蓋聞神龍未雲沕淵淪而無悶凡魚得水呈經罟而莫知是故聖哲識時以遠悔吝愚蒙競利以冒傾危

蓋聞物無全材適用爲可材無棄用擇可惟長故一
目之人可使視準五毒之石可使潰瘍是以穰苴治
師智勇貪愚咸宜其任公輸構厦棟梁枅桷各得其
良

蓋聞神龍可養而不能使之去水飛黃可駕而不能
使之捕狸是故舍人之能而強之以其所不能則叛
奪人之好而遺之以其不好則離

蓋聞民情本質文過則僞人道本直憲佚則傾是故
聖人制禮因自然之序哲士用智利不息之貞

蓋聞觀形於聲未必見形求實于名未必得實是故

飄風不可以調宮商巧婦不可以爲家室

蓋聞物有甘苦嘗之者識道有夷險履之者知是以
宴安日久詰戎兵而聰者忽忽老成人喪語典形而
聞者嗤嗤

蓋聞物無專美用之者貴人有異欲諧之者從故冠
纓不可以服鹿而鞵鞞不可以馭龍是以合抱之松
無庸於崢人之國若甕之鹵見棄於裸體之邦

蓋聞千斤之象不憚庖而憚鼠三寸之蝎不蠹棘而
蠹松是以制必取其所畏防必究其所容故能不震
而威于斧鉞不勞而固於垣墉

蓋聞國不自富民足則富君不自強士多則強故媚
嫉之人庸則士隱而君獨培克之吏進則民夷而國
傷

蓋聞春原之草拔盡復生夏厨之蠅驅去還集故時
未至不可以強爭勢方來不可以力戢是以善撲火
者不迎其煙善防水者不當其急

蓋聞萬物並育不齊其用而各有用五氣迭運不同
其功而皆成功故良珠夜光不假敵于明燭秋華發
彩不爭榮于春風

蓋聞魚無定止淵深則居鳥無定棲林茂則赴故以

道養賢則四方之民聽聲而來以德養民則四方之賢望風而慕

蓋聞剔大蠹者未必鑿去大姦者國必傷是故剖腹幹腸不如無病決踏解腕不若豫防

蓋聞日月勞其軀而寒暑成君相勞其心而天地位是故宵衣旰食大舜所以致其憂手胼足胝神禹所以忘其貴

蓋聞仁暴殊途非暴無以爲仁之啓怨恩異路非怨無以爲恩之資是以赤日流金嘉樹之陰穆若玄水裂石春陽之德煦而

盖聞制萬變者在乎專察萬微者在乎定故衆輻寄
身于一轂而衆物納形于一鏡是以人心無貳而鬼
神不違王言如綸而兆民悉聽

盖聞勢有所桎則小柔可以服大力形有所格則大
猛不能破小堅是故食人之虎不能吞一蝟牽羊之
綆可以御九犍

盖聞太陽未升燭火與流螢並照繁霜未降薜花與
小草同妍是以蛟蜃之市不可以稱有國穉穉之秋
不可以言有年

盖聞冬華之木春不必實旱慧之子年不必壽故良

工鑄金忌其踴冶智士懷材貴乎藏秀

蓋聞植善傾惡天道之定好安惡危人性之常是以
順天之道則人歸而王逆人之性則天怒而亡故伐
罪吊民而周祚延于孫子興徃樹怨而秦禍發于蕭
牆

蓋聞拂雲之松生於一豆之實聳壑之石穿于一絲
之溜是以忽細事者禍必盈輕小敵者亡必驟

蓋聞善賈者不壅其貨善治者不壅其民故政壅則
奸生於國氣壅則瘍生於身是以山澤不壅而雨暘
時若天地不壅而人物皆春

蓋聞大明普照黜鼠惡其眯目毒霧揚氛輪蛇喜其
得時是以堯舜至仁而三苗不服桀紂極惡而多罪
皆歸

蓋聞執駭馬者不與並逐救危舟者不與同誼是故
止聞而平其氣則爭可息聽訟而平其心則事不寃
蓋聞剪紙爲牆不可止暴搏沙爲餅不可療饑故姁
姁之言終非實惠僕僕之拜徒爾多儀

蓋聞時有未至非力所及情有未孚非言可親是以
見疑之璞三獻而取則足不鳴之鳥三年而後驚人
蓋聞人非大聖鮮有全材君欲任賢當如用器惟能

避短而庸長乃克奏功而濟事是故騂騶駉駉以之
運磨不若寒驢之能干將莫耶以之刈草不若鈎鏃
之利

盖聞俗有厚薄運有廢興故去僞就真者盛之兆捨
實徇華者衰之徵是以豔舞妖歌末世所好奇妓淫
巧先王所懲

盖聞理亂絲者必疑其志治亂國者在定其趣是故
三軍一心劒閣可以攻拔四馬齊足孟門可以長驅
盖聞能盈而不能護者雖成必隳知進而不知止者
雖得必失是故附羸以升高而枯蠅蝨以任重而躓

蓋聞百廛之市不畜噬犬八家之井不畜觝牛是故士有悍婦則良友不至國有妬臣則賢士不留

蓋聞蛭螾之藪神龍不棲蒿荻之區嘉穀不植故秦庭扃視而芝歌逸響于商山周澤鴻鳴而紫氣流光於西極

蓋聞物有準則心爲權衡非定靜之有素必紛拏而起爭是故坐舟視星當察其曷轉執斗較斛當審其孰平

蓋聞奔馬之輪拳石礙之而格迅川之水束草投之則疑是以一星見變能使九服同災一脉爽和能使

百體俱病

蓋聞淵之深者流必緩聲之大者響必悠是故政以漸成則民不駭俗以漸變則功不偷

蓋聞植嘉穀必以糞壤鑄洪鍾必以土型故物無必賤而賤不可輕是以海納污然後成其大君納衆然後保其榮

蓋聞大器非一人之私大事非獨力所建是故利不及衆所以起天下之爭爵不求賢所以萃天下之怨蓋聞心有所憂當儆於事事有所害當慎於爲故愚
人畏病而常病智士防危終不危

蓋聞驕者諂之招故諂集而賢路塞暴者貪之使故
暴用而怨府開是以榮夷操軸而若神之嚴棄社稷
以如莽來革秉權而如燬之室與珠玉以同灰

蓋聞明鏡照膽不啓隴廡之顏長劒拄頤不稱佞
之服是以狂歌之士遺世若草萊茹芝之老比身如
鴻鵠

蓋聞嗜有所專則姦從而入畏有所屬則惑由之生
故徇功利者不虞諂詐溺鬼神者獨覺形聲

蓋聞暴於物者衆志之所誅妨於衆者輿情之所疾
是以虎狼墮穽仁者見之而不憐枳棘當道行者過

之而必詰

蓋聞截牛之角而呼爲豕則雖庸必駭染鷩之毛而指爲鴉則雖愚必疑故欺心之言祇足以招天下之怪掩耳之噪適足以致天下之嗤

蓋聞井兩祈祈不起斷根之木長風烈烈難行折舵之舟故渭賓星隕孔明力殫于興漢洛都鼎震萇弘志屈于扶周

蓋聞天不掩厯而神人之道不睽君不忌言則上下之情無蔽是故周史陳詩而八百其年秦令禁語而一二其世

蓋聞天下有道則貴者勞而賤者佚天下無道則貴者佚而賤者勞是以弼亮惟寅而萬姓協睦姻婭旒仕而四方繹騷

蓋聞無輿馬者不耻徒步無魚肉者不厭菜羹故性爲欲汨則亂心爲物動則爭是以絕外交則可以守淡泊專內視則可以全淳精

蓋聞帟之曜也必伏乃厲鵠之舉也必拊乃高是故學必潛心然後可以有得藝能時習然後不爲徒勞蓋聞龍涎螺甲以臭爲香苦鹵酸梅用爽作味是以五氣交感善調則收駿功五材相成善用則獲美利

蓋聞穴蟻不知飄風巢鳥不知湧溜是故閭閻之子
患不識稼穡之艱難山林之士患不識禮法之去就
蓋聞方石不可以爲磨直木不可以爲輪故至情有
時而當隱正論有時而不陳是以明夷利貞箕子以
之處已危行言孫尼父以之誨人

蓋聞大亨不以有鼎鼐而棄釜鬲大祭不以有犧牲
而遺鸞醢是故馬服將趙而破秦用許歷之言子房
佐漢而勝楚由董公之啓

蓋聞螻屈求伸非終於屈龍潛或躍匪固于潛是故
勾踐事吳乃成姑蘇之舉夷吾佐霸曷問檻車之嫌

蓋聞陰陽之用道妙所憑剛柔之變鬼神所蟄故陽有闔而陰有開剛可潰而柔可立是以玄冥凜冽而水結成冰赤燁熇炎而金流爲汁

蓋聞以殺止殺聖人之不得已以暴易暴悍夫之無所成故牧野倒戈而三軍之役不再陰陵失路而百戰之功盡傾

蓋聞知風莫過於老駝識路莫逾於老馬是以家有老僕則故物不委諸途國有老臣則舊章不求之野蓋聞道有窮通非智可勝名有得喪非力可成故無願乎外不必其身之絕謗無求于物不必其言之果

行

盖聞譎不可恃人覺則窮僞不可長情見而極是以
剪綵爲地不可以受風雨畫布爲函不可以當戈戟
盖聞侏離之舌可習而變矇瞍之目難滌而明故教
可行於質近而道難化乎性成是以御龍之智不能
訓猿以禮神農之聖不能服豕而耕

盖聞有形之器欲虛惟虛則可以納理無形之理欲
實惟實則可以充器是故性無不誠然後能明一心
無不明然後能應萬事

終

蓋聞救天下之紛紛者。不拘細故。成天下之亹亹者。不矜小功。是故剗爛肉。不爲利刃。貫髀體。不爲良弓。

蓋聞積倉之家。獨喜凶歲。舞法之吏。不樂清朝。故民由此困。而俗由此澆。是以去奢尙儉。明君所以弭邪侈。澄心省事。哲王所以清煩囂。



編 珠 連 演

著 禕 王

演連珠編

本館據今獻彙言
本影印初編各叢
書僅有此本

演連珠編

江右 王子充 著

臣聞圓穹垂象列宿昭符北辰天樞至尊而不動中
宮天極泰乙之常居是以人君居正所以建皇極王
者宅中所以恢帝圖

臣聞人之於物最爲含靈聖之於人尤稱拔萃是以
陰陽至妙而聖人之能運陰陽天地至大而聖人之
能位天地道有隆汙惟聖人易汙而爲隆世有治亂
惟聖人反亂而爲治

臣聞聖不目聖學爲是資說命肇遜敏之告周頌載

緝熙之辭是以廣厦細瓊引文儒而共講左圖右史
舍古訓其奚師

臣聞製器者兢兢業業用訖於有成奉器者洞洞屬
屬乃保其無虞是以天下大器不易於圖祖宗經營
百年而不足子孫蠱壞一日而有餘

臣聞臣有盡言必因君之善聽君將致理必賴臣之
忠告蓋下之於上所要則微上之於下所求宜篤是
以堯問衢室友陋之謀是咨舜訪總章薦堯之語俱
錄大禹一饋而十起周公一沐而三握

臣聞以寡就衆察有不偏以廣就約知無不真何則

一人以二目視一國一國以萬目視一人是以居人上者雖獨必慎御群下者無微不親

臣聞赤子無他欲而必遂其所有欲赤子有不言而必會其所無言是以聖人之宰萬民務在通其志聖人之制萬物貴乎全其天

臣聞上天至公四序以成秋霜肅殺而木不然落春風長養而草不謝榮是以聖王御世使民不矜涵之以德義不知其為惠鰥之以法律不知其為刑

臣聞事以順為便物以適為安為俱賜者非負之而升木為魚德者非挈之而入淵是以夏蠲冬繇民不

以為怨春貸秋賦民常以為恩

臣聞經以經為總服以領為尊經舉而目自張領振而裔乃循是以道者政之領聖人脩道不修政吏者民之經聖人治吏不治民

臣聞調弓者必弛張其弦鼓瑟者必推移其柱是以因時制宜將以通於俗觀變立法不徒泥於古三王殊事名施於後世五帝異道德覆於天下

臣聞竹律九寸可以推七十二候之氣運玉衡八尺可以驗九千萬里之天行是以人君致治之具甚約天下歸化之效孔宏何則十世百世之理萬世之理

萬人千人之情一人之情

臣聞以色物毛澤買馬而不論其足力則厩無絕地
以大小徑廣售玉而不論其質美則篋無連城是以
以德求士致士之實效以才取士得士之虛名

臣聞尺有所短寸有所長攻其短則天下無全才錄
其長則人才皆大方是以蕭曹斗筭英布刑墨其質
本可都將相伯夷諛義楊朱履善其能不足位公卿
臣聞易重咸恒詩首閔睢陰教者天倫之模範內治
者王化之權輿是以周家致禮大姒之德既盛漢室
構亂呂氏之行元汙

臣聞君子無幸而有不幸小人有幸而無不幸是以
福善禍淫者天道之常好善疾惡者民彞之秉
臣聞見禮而知政聞樂而知德是以觀世運隆汙視
文章爲準則和平渾厚質實壞賄驗治道之方昌夸
浮纖靡詭怪支離察政理之斯敦

